

REFERAT MAA - Meeqqanut Atuarfeqarnermullu Ataatsimiititaq d. 04-12-2020

Mødedato Fredag d. 04. december 2020 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Meeqqat immikkut pisariaqartitalit pillugit ilisimatitsissut.....	7
Aalajangiiffigisassat.....	10
Suliat Aningaasaqarnermut Inuussutissarsiornermullu Ataatsimiititamut.....	11
Ulluunerani paaqqinnittarfinnut nakkutilliinermi nalunaarusiat.....	12
Qeqertarsuatsiaat atuarfiannik nakkutilliartornermit nalunaarusiaq.....	16
Ittoqqortoormiini atuartunut paaqqinnittarfik (SPO).....	20
Kapisilinni atuartunut paaqqinnittarfik (SPO).....	23
Taasariaqartut allat.....	26
Lukket.....	27
Lukket.....	28
Imaqarniliap akuerineqarnera,.....	29

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Storm Ludvigsen (IA)

Uju Petersen (IA)

Thiiooq Knudsen (S)

Beslutning

Ataatsimeeqataasut:

Michael Rosing (SAM), Storm Ludvigsen (IA), Uju Petersen (IA)

Oqarasuaatsikkut:

Henrik Raclev (IA), Thiiooq Knudsen (S)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

Siulittaasup nalunaarutai:

Ukioq manna atualertussanut allatsinneq siornamit allaanerulaartumik isikkoqarpoq. Kommuniq allaffissuata eqqaani annertuumik katersuuttarnerit pinaveersimatinniarlugit allatsinnerit atuarfinni ataasiakkaani pissapput, taamaasilluni meeqqat allatsiffissaat illoqarfimmi assigiinngitsut tallimaapput. Taamaasillunilu meeqqat angajoqqaallu allatsiffissami ataatsimi ikinnerussallutik. Meeqqanut aappalaartuaqqat aamma badges agguanneqassapput nalliuttorsiornerlu attatiinnarneqassaaq.

Pisortamit nalunaarutit:

- Ingerlatsivimmit atuartut angerlarsimaffii pillugit suliassaqarfimmut pilersarusiap sulissutiginera akuersaarneqarpoq. Pilersarusiap naammassineqarnissaa februaarip aallartilaarnerani naatsorsuutigineqarpoq.

Punkt 3: Ilisimatitsissutit

Punkt 03A: Meeqqat immikkut pisariaqartitallit pillugit ilisimatitsissut

Beslutning

Ilisimatitsissut tusaatissatut tiguneqarpoq

Meeqqat immikkut pisariaqartitalit pillugit ilisimatitsissut

Meeqqanut suussuserneqanngitsunik nappaatilinnut ikorfartortilersuineq

Ilisimatitsissut

J.nr.: 44.00

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Meeqqat suli atualinngitsut suussuserneqanngitsunik nappaatillit immikkulli pisariaqartitsisut ikorfartortilerneqarnissaminnut periarfissaqarput. Meeqperivinnik aqutsisut meeqqanut taakkununga ikorfartortissanik qinnuteqarnissaminnut periarfissaqarput. Ulluunerani neqeroorutitut suliassaqarfimmi perorsaanermi siunnersortinit qinnuteqaat sularineqassaaq taakkulu qinnuteqaat akuersissummik itigartitsissummilluunniit qinnuteqaatitalerlugu fagchefimut ingerlateqqissavaat.

Ukioq manna meeqqanut immikkut pisariaqartitsisunut meeqperivinniittunut ikorfartortitut 19-inut akissarsiassat aningaasaliissutigineqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ulluunerani neqeroorutitut suliassaqarfik ukiut tamaasa ingerlatsivimmi qitiusumik kontumut ataatsimut atukkamat ikorfartortitut atugassianik aningaasaliiffigineqartarpoq. Meeqperivinnik aqutsisut meeqqanut immikkut pisariaqartitsisunut ikorfartortissanik ulluunerani neqeroorutitut immikkoortortamat qinnuteqarnissaminnut periarfissaqarput.

Meeqqanut Atuarfeqarnermullu Ingerlatsiviup meeqqat suli atualinngitsut suussuserneqanngitsunik nappaatillit immikkulli pisariaqartitsisut amerliartortut ukiuni kingullerni maluginiarpaq. Meeqqanut suli atualinngitsunut atualereersunullu ikorfartortissanik qinnuteqaatit ukiuni kingullerni amerliartortnerat maluginiakkamut pissutaatinneqarpoq.

Ulluunerani neqeroorutitut suliassaqarfimmi perorsaanermi siunnersortinit meeqperivinnit qinnuteqaatit sularineqartarput. Taakku qinnuteqaat akuersissummik itigartitsissummilluunniit innersuussutitalerlugu fagchefimut ingerlateqqissavaat.

Meeqqamut ikorfartortiliisoqartinnagu meeqperivik nammineerluni meeqqamik ikiorsiinarluni iliuuseqaqqaassaaq. Meeqperivik tamatumunnga peqqissaanermi siunnersortinit Misimilluunniit ikiorserneqarsinnaavoq.

Piffissami killilikkami meeqqamut immikkut pisariaqartitsisumut ikorfartortiliisoqarsinnaavoq tamatumali sivitsorneqarsinnaanissaanut periarfissaqarpoq. Ikorfartortiliisoqarnissaanut atatillugu meeqperivik meeqqamut iliuusissatut pilersaarusoqqullugu qinnuigineqassaaq.

Aaqqiissutissatut siunnersuut – suliatigut naliliineq

Atuarfimmi aallarteqqammisut atualeqqaat ilanngullugit arlaatigut ikiorserneqarnissamik pisariaqartitsisut arlaqartut atuarfinni ilinniartitsisut maluginiarpaat. Taamaattoqarnera ukiuni kingullerni marlussunni annertusiartorsimavoq.

Meeqqanut Atuarfeqarnermullu Ingerlatsivik massakkorpiaq meeqqat suussuserneqanngitsunik nappaatillit immikkulli pisariaqartitsisut amerliartornersut taamaattoqarpallu suut pissutaaneriniq sulliatigut naliliinissaminut naammattumik paasissutissaateqanngilaq. Suliaq sukumiisumik misissorneqaqqaassamat, Ingerlatsivik massakkorpiaq aaqqiissutissamik ersarissumik siunnersuutissaqanngilaq.

Aningaasatigut sulisoqarnikkullu naliliineq

Suliassaqarfik pisariaqartitallu qulaajarneqartinnagit, massakkorpiaq aningaasaliissutit amerlassusaat pisariaqartitanut matussusiinissamut naammannersut ingerlatsivik naliliisinnaanngilaq.

Inatsisitigut tunngavissaq allakkallu tunngaviusumik uppermarsaatitallit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.

Ingerlariaqqinnissaq

Ulluunerani neqeroorutinut immikkoortorta q sammisap 2021-mi aqutsisut ataatsimiinneranni oqaluuserineqarnissaanik pilersaaruteqarpoq.. Aningaasaliissutit qanoq ilillugit meeqqeriviit klubbillu akornanni agguanneqassanersut eqqartugassani sammineqassapput.

Aningaasaqarnermut Allatseqarfimmit oqaaseqaatit

Pingaaruteqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Oqaaseqaateqanngilaq.

Ilanngussat

Soqanngilaq.

Punkt 4: Aalajangiiffigisassat

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Ulluunerani paaqqinnittarfinnut nakkutilliinermi nalunaarusiat

Beslutning

Inassuteqaat akuersissutigineqarpoq.

Bilag

Meeraaqqerivik Meeraq pillugu nakkutilliinermi nalunaarusiaq

Meeqqerivik Mike pillugu nakkutilliinermi nalunaarusiaq

Ulluunerani paaqqinnittarfinnut nakkutilliinermi nalunaarusiat

Paamiuni ulluunerani paaqqinnittarfiit Meeraq aamma Mike

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Meeqqanut Atuarfeqarnermullu Ingerlatsivimmi ulluunerani paaqqinnittarfiit nakkutigineqarneri Ulluunerani neqeroorutinut immikkoortortamit perorsaanermut siunnersortinit isumagineqassaaq.

Perorsaanermut siunnersortit ulloq 23. juuli 2020-mi Paamiuni meeraaqqerivik Meeraq aamma meeqqerivik Mike nakkutigiartorpaat.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Inatsisartut inatsisaat nr. 16, 3. december 2012-imeersumi § 5, imm. 2 naapertorlugu, kommunalbestyrelsip oqartussaasut attuumassuteqartut allat suleqatigalugit meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Ulluunerani neqeroorutinut immikkoortortaq Paamiuni ulluunerani paaqqinnittarfinnut marlunnut nakkutiginnikkiartorpoq, tassaasunut meeraaqqerivik Meeraq aamma meeqqerivik Mike.

Meeraaqqerivimmi Meeqqami meeqqat 46-nut amerlassusiligaapput kiisalu sulisut 16-inut amerlassusiligaallutik, taakkunannga marluk tassaallutik pisortaq pisortallu tullia. Meeraaqqerivik ulloq 30. oktobari 2020-mi 39-nik meeraateqarpoq.

Meeqqerivimmi Mikemi meeqqat 66-inut amerlassusiligaapput sulisullu 14-inut amerlassusiligaallutik, taakkunannga marluk tassaallutik pisortaq pisortallu tullia. Meeqqerivik ulloq 30. oktobari 2020-mi 57-inik meeraateqarpoq.

Nakkutilliinermi paasineqarpoq, meeqqerivinni marluusuni perorsaanikkut ukiumut pilersaarutiniq sulinerminni najoqqutaqartut, ilaatigut ullut pisussat pilersaarusiorneqartarlutik. Tamatumunnga peqatigillugu inini ataatsimiinnerni sammisassanik pilersaarusiortoqartarpoq.

Aammattaaq perorsaneq timersornertalik sammineqartarpoq, ilaatigut meeqqat timimik atornissaannut ilinniartarlutik. Meeqqami perorsaanikkut tunngaviusut arlallittaaq tunngavigalugit sulisoqarpoq, ilaatigut meeqqat inuttut ineriartornerat, timaat aalanerallug, namminersornerat,

pinngortitamik ilisimasaqarnerat, iliuseqarsinnaanerat, oqaasii inooqataanerilu kiisalu angajoqqaanik suleqateqarneq atuarfimmullu ikaarsaernerit nukittorsarneqarlutik. Ulluunerani paaqqinnittarfinni marlunni qinngasaarisarneq akiorniarlugu suliniut Kammagiitta atorineqarpoq.

Tamatuma saniatigut paaqqinnittarfinni misissuinermit atortut ineriartornerlu pillugit allaaserisat atorineqarput, ilaatigut meeqqap ineriartorneranik nassuiaatitut atorineqarlutik. Aamma taanna angajoqqaanik ukiup affakkaarlugit oqaloqateqarnermi atorineqartarpoq, tassanilu atortut atorlugit meeqqap ineriartornera qanoq pitsanngorsarneqarsinnaanersoq pillugu angajoqqaanik oqaloqateqartoqartarluni. Angajoqqaanik suleqateqarneq pingaartinneqangaarpoq, aamma nakkutilliinerup nalaani qanimut pitsaasumillu suleqatigiinnertut ingerlanneqartoq taaneqarluni, ilaatigut angajoqqaat oqaloqatiginninnissamik pisariaqartitsigunik aqutsisumut saaffiginnissinnaajuannarlutik.

Nakkutilliineruttaaq nalaani ulluunerani paaqqinnittarfiit marluusut akornanni aqutsineq ingerlatsinerlu pitsaasoq ataqatigiissarluagaasorlu oqaatigineqarpoq. Paaqqinnittarfiittaaq nassuiaatigaat kommunip perorsaanermit siunnersortai pitsaasumik qanimullu attaveqarfigineqartartut, tamatumalu taamaaginnarnissaa naatsorsuutigineqarluni.

Aammattaaq oqaatigineqarpoq perorsaasunut angajoqqaanullu paasissutissat pingaarnepaat paaqqinnittarfiit isaariaasa eqqaanni ersarissumik allagarsiivimmiitinneqartartut.

Aaqqiissutissatut siunnersuut – suliatigut naliliineq

Paaqqinnittarfiit perorsaanikkut ukiumut pilersaarutit sammisassaqaartitsinermullu pilersaarutit malillugit ingerlasut Meeqqanut Atuarfeqarnermullu Ingerlatsivimmit nalilerneqarpoq. Tamatuma saniatigut meeqqat angajoqqaallu iluaqutigisaannik ineriartortitsinissamat atortussat paaqqinnittarfinniit atorineqartarput.

Paaqqinnittarfiit marluusut illutai tamarmik nutaanngilisimapput, taamaammallu pitsanngorsarlugillu iluarsaattariaqarsinnaallutik. Meeqquarivik Mikemi pequtit arlallit taarserneqartariaqaraluarput. Maannakkut paaqqinnittarfinni meeqqat aalasarnissaannut inissanik anginerusunik pisariaqartitsipput.

Tamatuma saniatigut meeqquarivik Mikemi pinnguartaarfik iluarsartuunneqartariaqarlunilu pitsanngorsartariaqarpoq.

Napparsimalluni sulinngitsoortarnerit pillugit oqaloqateqartarnerit aqutsisunit aallunneqarnerulerput, kingunerisaanillu sulisut aalajaannerulerput. Maannakkut taartissanik pisariaqartitsinerit taama annertutigiunnaarput.

Pikkorissarnerit, piginnaanngorsarnerit ilinniaqqinnerillu kiisalu suleqatit akornanni sulianut tunngatillugu oqaloqateqartarnerit amerlanerusut paaqqinnittarfinni marluusuni sulisut akornanni piumaneqarput. Ukiuni kingullerni marlunni sulisut ilinniartitaanissaat ingerlatsivimmit ukkatarineqarput, ilaatigut sulisut ilinniarsimangitsut pingaarnersiorneqarlutik.

Tamatuma saniatigut Paamiunut pilersuineq peqqutaalluni nioqqutissanik atortussianillu uninngasuuteqarneq eqqarsaatigalugu (ass. nangit, aaqqatit, qaqorsaatit il. il.) paaqqinnittarfinni peqqumaataasiveqarnissaq pisariaqassaaq, ajornangippat qaammammut ataatsimut naammattumik. Taamaangippat pilersuineqanngitsuussagaluarpat tamakkua amigaatigineqaratarsinnaapput.

Aningaasatigut sulisoqarnikkullu naliliinerit

Ingerlatsivik Paamiunut oktobari 2020-mi sulinermut atatillugu angalavoq. Tamatumunnga atatillugu pisortat marluusut missingersuutit pillugit ataatsimeeqatigineqarput. Tamatumunnga atatillugu pequtit nutaanngilisimasut taarsersoriartuaarnissaat innersuussutigineqarpoq. Aammattaaq ilisimatinneqarput pisiniartarnitik pingaarnersiorsinnaagaat, taamaalillutik ukiumut naatsorsuutit inaarutaasut takkuppata atuinerunertut isikkoqassanngillat.

Inatsisitigut tunngavissaq allakkallu tunngaviusumik uppernarsaatitalit

- Inatsisartut inatsisaat nr. 16, 3. december 2012-imeersoq.
- Meeraaqqerivik Meeraq pillugu nakkutilliinermi nalunaarussiaq
- Meeqqerivik Mike pillugu nakkutilliinermi nalunaarussiaq

Ingerlariaqqinnissaq

Meeqqanut Atuarfeqarnermullu Ingerlatsiviup meeraaqqerivimmi Meeqqami ikuallattoqartillugu sungiusarnermik ingerlatsissasut innersuussutigivaa.

Paaqqinnittarfinni tamani sulisunik pikkorissartitsinissanut pilersaarusionerit nangingneqassapput, taamaalillutik Covid-19-imut tunngatillugu killilersuinerit atorunnaarpata pilersaarutit atorsinnaalerniassammata.

Paamiuni nakkutilliineq tulleg 2021-mi pissaaq.

Aningaasaqarnermut Allatseqarfimmit oqaaseqaatit

Pisariaqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Pisariaqanngilaq.

Ilanngussat

1. Meeraaqqerivik Meeraq pillugu nakkutilliinermi nalunaarussiaq
2. Meeqqerivik Mike pillugu nakkutilliinermi nalunaarussiaq

Punkt 05B: Qeqertarsuatsiaat atuarfiannik nakkutilliiartornermit nalunaarusiaq

Beslutning

Inassuteqaat akuersissutigineqarpoq.

Bilag

Qeqertarsuatsiaat atuarfiannut nakkutilliiartornermit nalunaarusiaq

Qeqertarsuatsiaat atuarfiannik nakkutilliiartornermit nalunaarusiaq

Qeqertarsuatsiaani atuarfik

Ilisimatitsissut

J.nr.: EMN-2020-30002

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Meeqqat atuarfiat pillugu inatsit malillugu Meeqaat atuarfiat pillugu Inatsisartut inatsisaat nr. 15, 3. december 2012-imeersumi § 43 naapertorlugu Kommunalbestyrelse ataavartumik atuarfiit ingerlanneqarnerannik nakkutilliiartussaapput.

Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuarfiini ukiumut ataasiarluni nakkutilliiartortarnissaq siunniunniukuuaa.

Septembarip ulluisa pingajuanni 2020 Atuarfeqarnermut immikkoortortaq Qeqertarsuatsiaat Nunaqarfimmi atuarfiannik nakkutilliiartorpoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Qeqertarsuatsiaat atuarfiannik nakkutilliiartorsimanermit nalunaarusiaq tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut Atuarfeqarnermullu Ingerlatsivik Qeqertarsuatsiaat atuarfiannik nakkutilliiartorsimavoq. Atuartut 15-iupput 1-7 klassinut agguataakkat. Ilinniartitsisut marluk atorfeqarput, atuarfimmili pingasunik ilinniartitsisoqarnissaa allassimavoq. Tiimilærerimik sapinngisamik piaartumik atorfinitsitsisoqarnissaa naatsorsuitigineqarpoq. Ukioq atuarfiusoq 2019/2020-mi atuarfiup ningiua piffissani sivisuuni ilinniarsimasatut sulisarpoq, taamaattumillu atuartitsinerinnaq pinnagu pilersaarutit avataasigut suliaqartariaqartarluni.

Nakkutilliiartornerup nalaani paasineqarpoq, atuartitsinissaq eqqarsaatigalugu inatsit malinneqartoq aammalu atuartut inatsisini piumasaqaatit naapertorlugit atuartinneqartut.

Atuarfik sapinngisamik piaartumik ukiumut atuarfiusumut 2020/2021-mut ukiumoortumik pilersaarutini suliaqassaaq, taamatullu tamanut iliuusissatut pilersaarutit suliarineqassallutik. Tamakkua suliarineqarsimannginnerinut pissutaavoq, atuarfiup ningiua suliaqassat allat suliarisariaqarnerisa saniatigut atuartitsisariaqartarnera, ilinniartitsisup ukioq manna septembarip aallaqqaataanni atorfinittussap utaqqisariaqarsimanagera ilanngullugu.

Ukiumut atuarfiusumut 2019/2020 atuarfimmi Angusakka ingerlanneqanngitsoorsimapput, tassaallutik ilikkagassatut anguniagassani atuartut namminneq angorusutaannik nalilersuinerit. Taanna klasselærerip akisussaaffigisaanik iliuusissatut pilersaarusiornikkut ilusilersorneqartarpoq, atuartullu ilinniartitsisuni suleqatigalugit ikinnerpaamik atuarfiup/angerlarsimaffiullu oqaloqatigiinnissaat sioqqullugu suliaqassalugu. Atuarfinni angajullernik atuartoqartuni iliuusissatut pilersaarummut aamma ilaassapput atuartup ilinniaqqinnissaminik kissaatigisai.

Tassunga atatillugu ukiup affakkaartumik atuariup/angerlarsimaffiullu oqaloqatigiittarnissaannik piumasaaqat aamma malinneqarsimanngilaq. Tamatumunnga aamma pissutaavoq, atuariup ningiua ukioq atuariusoq tamakkerlugu kisimiiginnavissimammatt, ilinniartitsisut taarsaannerat pissutigalugu.

Aaqqiissutissatut siunnersuut – suliatigut naliliineq

Atuarfeqarnermut immikkoortortap nalilerpaa, atuarfik Meeqaat atuariat pillugu Inatsisartut inatsisaat nr. 15, 3. december 2012-imeersoq naapertorlugu ingerlanneqartoq, atuartullu inatsimmi piumasaaqatit naapertorlugit atuartinneqartut.

Atuariup ningiuanut uparuaatigineqarpoq, klassit tamarmik ukiumoortumik pilersaaruserfigineqarlutillu iliuusissatut pilersaaruserfigineqassasut.

Ukiup affakkaartumik atuariup/angerlarsimaffiup oqaloqatigiittarnissaat ingerlanneqartassapput, taamatullu Angusakka pillugit oqaloqatigiittoqartassalluni.

Ilinniartitsisutut ilikkartitsinissaq qulakkeerniarlugu, piffissaalluarallartillugu atuarfimmi ilinniartitsisut amerlassusissaat naapertorlugit ilinniartitsisunik atorfinitsitsisoqassaaq.

Atuarfinnut siunnersortit siunissami atuariup ningiua qaammatit tamaasa ataatsimeeqatigisalissavaat nakkutilliiartornermi nalunaarusiami suliasaqaarfiit taaneqartut malinnaatitsiffiginiarlugit.

Ilinniartitsisut pikkorissartinneqarnissamik neqeroorfigineqartariaqarput, atorfimminnut naleqquttunik piginnaasaqalerniassammata - pingaartumik piginnaasat malillugit atuartitsinernut tunngatillugu. Taavalu aamma Tabulex atulerneqassaaq. Atuarfinnut siunnersortit taassuma atuutilersinneqarnissaanut atuarfimmut ikiuutissapput.

Meeqqanut Atuarfeqarnermullu Ingerlatsiviup atuariup ningiuanut aqutsisutut ineriartornermut pikkorissarnissaanik neqerooruteqassaaq, taamaasilluni piginnaasani nutarterniassammagit.

Aningaasatigut sulisoqarnikkullu naliliinerit

Aningaasaqarnikkut sulisoqarnikkullu naliliisoqanngilaq.

Inatsisitigut tunngavissaq allakkallu tunngaviusumik uppernarsaatitallit

- Atuarfik pillugu Inatsisartut inatsisissaat nr. 15, 3. december 2012-imeersoq
- Atuarfimmi naliliisarneq uppernarsaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Qeqertarsuatsiaat atuariannut nakkutilliiartornermit nalunaarusiaq

Ingerlariaqqinnissaq

Meeqqanut Atuarfeqarnermullu Ingerlatsiviup anguniarpaa, ukiumut ataasiarluni atuarfinnut nakkutilliiartortoqartassasoq.

Tullianik Qeqertarsuatsiaat tikinneqarnissaat 2021-imi ukiakkut pissasoq pilersaarutaavoq.

Tassunga tunngatillugu atuarfimmi sulisut pikkorissarnissanut pisarialinnut neqeroorfigineqartarnermut pillugit ingerlatsivik malinnaajuarniarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Ilangussat

1. Qeqertarsuatsiaat atuariannut nakkutilliarternit nalunaarusiaq

Punkt 05C: Ittoqqortoormiini atuartunut paaqqinnittarfik (SPO)

Beslutning

Inassuteqaat akuersissutigineqarpoq.

Ittoqqortoormiini atuartunut paaqqinnittarfik (SPO)

Ittoqqortoormiini atuartunut paaqqinnittarfimmik pilersitsinissamat qinnuteqaat.

Aalajangiiffigisassaq

J.nr.: EMN-2020-30239

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Ittoqqortoormiini meeqqanut 1-3. klassiniittunut angajoqqaat kommunip atuartunut paaqqinnittarfiutissaanik pilersitsisoqassasoq kissaatigaat. Meeqqat massakut atuarfimmit ungasissumi namminersortunit neqeroorummiittarput. Meeqqat namminersortunit neqeroorummit atuarfimmit ungasissumit nammineq pisullutik angerlartarnerminni isumannaassusaat angajoqqaat erumassutigaa. Annermik ukiukkut taartillugu, qianartillugu nannullu amerlasuut sumiiffimmiitillugit.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaat:

- meeqqanut 1.-3. klassiniittunut kommunimi paaqqinnittarfimmik pilersitsisoqassasoq
- ukioq manna sulisunut akissarsiaritineqartussat Ejnar Mikkelsenilaa Aluarpianut missingersuutinit pissarsiarineqassasut
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut inaarutaasumik akuerisassanngorlugu ingerlateqqinneqassasoq

Suliassamik saqqummiussineq

Ittoqqortoormiini 1-3 klassini meeqqanik 26-nik atuartoqarpoq. Kommunip atuareernermi paaqqinnittarfiutaanik neqerooruteqanngilaq taamaattumillu meeqqat namminersortut meeqqeriviutaanni atuarfimmit ungasissumiittumi paarineqartarput.

Namminersortut neqeroorutaannut aqut ukiukkut qianartarpoq, qianarluni toqqissisimanaranilu. Akulikitsumik pisartumik nannunik sumiiffimmiittoqarsimatillugu angajoqqaat annermik meeqqaminnut erumassuteqartarsimapput.

Taamaattumik piaarnerpaamik neqeroorummik pilersitsisoqarnissaa annertuumik kissaatigineqarpoq.

Init atuarfiup naqqata ataaniittut massakut klubbartarfit atorneqartartut atuartunut paaqqinnittarfimmik atorneqarsinnaanerit periarfissaavoq. Klubbi ininut sissamiittunut nuunneqarsinnaavoq massakorpjarlu Iserit tamatuminnaga siunertalimmik misissuivoq. Atuarfiup pisortaata atuartunut paaqqinnittarfimmik novembarip aallaqqaataaniilli aallartissaguni namminerminut missingersuutini sulisunik atorfinitsitsinissamat aningaasat pissarsiarinnaavai. 2021-mili januaarip aallaqqaataani kvartalimut siullermut ilassutitut aningaasaliiffigineqarnissamik qinnuteqaateqarnissamat atatillugu pisortamik sulisunillu marlunnik atorfinitsitsinissamat aningaasanik qinnuteqartoqassaaq.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik 1 – 3 klassini atuartunut paaqqinnittarfimmik aallartissisoqarnissaanik angajoqqaat kissaateqarnerannut paasinnippoq.

Pisoq massakutut itsillugu naammaginaranilu meeqqanut angajoqqaanullu toqqissisimananngilaq. Nannut sumiiffimmiikkajuttarput meeqqallu 1-3 klassiniittut ulorianarsinnaasumik pisoqarnerani iliuuseqarnissaminut mikivallaarput. Taamaattumik meeqqat paarineqassagunik ungasissumut pisoqqaartannginniassammata kommunimit neqeroorummik atuarfimiittumik pilersitsisoqassasoq innersuussutigineqarpoq.

Aningaasatigut sulisoqarnikkullu naliliinerit

Ukiumi matumani sulisut pingasut akissarsiassaat Ittoqqortoormiini atuarfiup aningaasaliiffigisinnaavai. Sulisunut pingasunut ukiumoortumik aningaasartuutissat 640.000 koruunit missaanniipput. Atuartunut paaqqinnittarfiup 2021-mi aningaasalerneqarnissaa sunngiffimmi aaqqissuussinermut aningaasaliissutinit nuutsinikkut pisinnaavoq.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

Ukioq manna aningaasaliissutissat atuarfimmut missingersuutinit pissarsiarineqarsinnaammata, atuartunut paaqqinnittarfik 2020-mi novembarip aallaqqaataani aallartinneqarsinnaaleriissaaq.

Aningaasaqarnermut Allatseqarfimmit oqaaseqaatit

Pingaaruteqanngilaq.

Innuttaasunik peqataatitsineq/attaveqaqatigiinneq

Innutaasut peqataatinerat pisimavoq, ingerlaavartumik atuartut nukarlerni atuartuusut angajoqqaavi oqaloqatigiinnermik peqataatinerisigut.

Ingerlatsivinnit allaniit oqaaseqaatigineqartut

Oqaaseqaateqanngilaq.

Ilanngussat

Soqanngilaq.

Punkt 05D: Kapisilinni atuartunut paaqqinnittarfik (SPO)

Beslutning

Inassuteqaat akuersissutigineqarpoq.

Kapisilinni atuartunut paaqqinnittarfik (SPO)

Kapisilinni atuartunut paaqqinnittarfimmik pilersitsinissamut qinnuteqaat

Aalajangiiffigisassaq

J.nr: EMN-2020-30240

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Kapisilinni atuartut pingasut atuartunut paaqqinnittarfimmik amigaateqarput. Taamaattumik perorsaasumik sulisulimmik neqeroorummik pilersitsivigineqassasut kissaatigineqarpoq. Ulluunerani meeqqanik paarsisarfirmi massakkut meeqqamik ataasiinnarmik inoqartumi atortorissaarutit atorineqarsinnaapput.

Atuartunut paaqqinnittarfik nal.11:00-17:00 ammasassaaq

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Kapisilinni ulluunerani meeqqanik paarsisarfirmik 1-3. klassinut atuartunut paaqqinnittarfimmik pilersitsisoqassasoq
- ukioq manna sulisumut akissarsiaritineqartussanut aningaasaliinissaq Meeqqanut Atuarfeqarnermullu Ingerlatsiviup missingersuutaanit nuussinikkut pissasoq.
- suliaq Aningaasaqarnermut Inuusutissarsiornermullu Ataatsimiititamut aamma Kommunalbestyrelsimut inaarutaasumik akuerisassanngorlugu ingerlateqqinneqassasoq.

Suliassamik saqqummiussineq

Kapisillit atuarianni meeqqat pingasuusut: Marluk arfineq marlunnik ukiullit ataaserlu arfinilinnik ukiulik atuareernerup kingorna atuartunut paaqqinnittarfimmik pisariaqartitsipput. Siusinnerusukkut anaanaminnik paaritinnikkunik angerlarsimaffimminni kisimiittarsimapput. Aaqqiissut tamanna naammagarunnaarmat atuartunut 1-3 klassinut atuareernerup kingorna atuartunut paaqqinnittarfimmik pilersitsisoqassasoq qinnuteqaatigineqarpoq. Meeqqeriviup meeqqamik ataasiinnarmik inoqarnera pissutigalugu ulluunerani meeqqanik paarsisarfik inissatut aallarniutit atorneqarsinnaavoq.

Ungasinnerusoq eqqarsaatigalugu meeqqat katersortarfimmi massakkut iluarsartuunneqartumiissapput.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik atuartunut paaqqinnittarfimmik aallartitsisoqarnissaanik angajoqqaat kissaataateqarnerannik paasinnippoq. Tamatumani ulluunerani meeqqanik paarsisarfiup inii atorluarneqarsinnaapput. Perorsaasumik akunermusialimmik meeqqanik pingasunik paarsinerminut kommunimit akissarsiaqartineqartussamik atorfinitsitsisoqassaaq. Aammattaaq atuariup sulisoq ullaap tungaani pisariaqartitsineq malillugu taartaasartut atortassavaa.

Aningaasatigut sulisoqarnikkullu naliliinerit

Ukioq manna sulisumut akissarsiaritineqartussanut aningaasaliissutissat atuariimmut angerlarsimaffinnilu paaqqinninnermut aningaasaliissutit nuutsiterneqarnerisigut pissarsiarineqassapput.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

Ingerlariaqqinnissaq

Sulisut akissarsiassaannut meeqqallu nerisinneqarnissaannut ukioq manna aningaasaliissutissat ingerlatsiviup missingersuutaanit nuussinikkut pissarsiarineqassammata, Atuartunut Paaqqinnittarfik 2020-mi novembarip aallaqqaataani aallartinneqassaaq. 2021-mi aningaasaliissutissat angerlarsimaffinni paaqqinninnermit nuutsiterinikkut pissarsiarineqassapput. Tamanna 2021-mut TB1-imik qinnuteqarnemi pissaaq.

Aningaasaqarnermut Allatseqarfimmit oqaaseqaatit

Pingaaruteqanngilaq.

Innuttaasunik peqataatitsineq/attaveqaqateqarneq

Attuumassuteqanngilaq.

Ingerlatsivinnit allaniit oqaaseqaatigineqartut

Oqaaseqaateqanngilaq.

Ilanngussat

Soqanngilaq.

Punkt 6: Taasariaqartut allat

Punkt 7: Lukket

Punkt 07A: Lukket

Punkt 8: Imaqarniliap akuerineqarnera,

Beslutning

Imaqarniliaq akuerineqarpoq nal. 14:25